

Cla-Ursin Nufer ei selecziunaus pils campionadis mundials dils juniors

Dils 27 da schaner entochen ils 5 da fevrer 2023 han liug a Whistler en Canada ils campionadis mundials da cuorsa liunga, dalla cumbinaziun nordica e da siglir dils juniors e sut 23 onns. Persuenter ha Swiss Ski selecziunau siat curridras e diesch curridders. Denter quels sesanfla era il Tuatschin *Cla-Ursin Nufer* (21). El separticipescha allas concurrenzias da cuorsa liunga dils umens sut 23 onns. Cla-Ursin Nufer ei commember dil cader C da cuorsa liunga da Swiss Ski. La fin dall'jamna vargada ha el brigliau als campionadis svizzers da cuorsa liunga ad Ulrichen. El ha gudignau aur e bronz ellas duas cuorsas dall'elita dall'emprema part dils campionadis svizzers. (fmr/hh)